

Foux Saecej Bouxcuengh Denzyangz:

Dujva Ronghlwenq Geizheih Yisuz Vwnzva Ndawbiengz Minzcuz

田阳壮族狮舞：民族民间文化艺术的一枝奇葩

□ Loz Siliz



▲ Ngoenzciet ngoenz angq-hoh cungj raen ngumhngauez.



▲ Byaij donghsang lumj byaij diegbingz.

◀ Gwnz donghsang yathamj caen vifung.



▲ Ndown sang yawj gyaec caen yinx vunz.



▲ Ciethoh sing gyonglaz dazyinx saecej diuqfoux.



▲ Byaij gvaq caggang ga mboui saenz.



▲ Bouxfoux daeuqnyex saecej bae bin byacax.



▲ Gwnz daizsang caij bakcax soemsat biujyienj.



▲ Gwnz daiz baij yiengh ak.

Foux saecej Bouxcuengh Denzyangz dwg dujva ronghlwenq geizheih yisuz vwnzva ndawbiengz minzcuz cienzoengj ndeu, daj ciuhgeq gvaq-daeuj, vunz lai Denzyangz youq gvaq cieng gvaq ciet, gak cungj ngoenz angqhoh, ngoenz baehaq aeuyah, bae dangbing, ngoenzseng souhyienz daengj ngoenzndei angqhoh haenx, cungj cingj doih foux saecej loenghfoux angqhoh, dem gij yiengh gitleih habhoz, dwg hangh hozdung fungsug minzcuz beixnuengx Bouxcuengh gyaec yawj maij ngonz ndeu. Bi 2007, "foux saecej Bouxcuengh Denzyangz" ndaej lied haeuj buek daih'it swigih gaep feih vuzciz vwnzva yizcanj mingzloeg, bi 2011 ndaej gozvuyen baecinj lied haeuj buek daihsam guekgya gaep feih vuzciz vwnzva yizcanj hanghmoeg gya'gvangq mingzloeg.

Foux saecej Bouxcuengh Denzyangz lizsij gyaenanz, riuznaeuz mwh ciuhnduj vunzcoj Bouxcuengh vihliux mbouj hawj duznyaenyak haeb vunz caeuq nyoegnyamx gomiuz, siengj ok aen banhfap aeu nyaen gyaep nyaen, ciuqei yiengh duzvuengz gyoengq-nyaen—saecej, duk san baengz longz baenz yiengh saecej, yienzhaeuh roq gyong roq laz foux saecej hwnjdaej, doengxhaemh lij diemj yuih diemj bogfeiz bae gyaep nyaenyak, bauj

bouxvunz aencienz, hen gomiuz maj baenz. Ciuq saw lizsij geiq naeuz, Ciuhmingz Gyaehcing samcib seiq bi (bi 1555), vunzmbwk minzcuz Bouxcuengh Vajsi fuhyinz daiq gyoengq-bing Denzcouh bae dingjhoenx Vohgou ndaejhingz dauqma, gyoengq vunz lai Denzcouh foenfoen comzdoi foux saecej loenghfoux angqcoex Vajsi caeuq gyoengqbing ndaej naj-rongh dauqma mbanjranz. Daj seiz-haenx gvaqdaej, foux saecej couh baenz le Bouxcuengh vwnzyi cungj cietmoeg biujyienj gag miz ndeu, daih cienz daih, hoenghwnz mbouj byaiz.

Foux saecej Denzyangz comz-giet le sang, hoj, cieq, yiemj, geiz, gyaec roek daih daegdiemj. Aenfoux dauqlah lai, cietmoeg lai cungj lai yiengh, gisuz ndeiraeuh, dawz dwk-gienz, diuqfoux, saj bajheiq daengj yungzhab youq giz ndeu, miz gij daegsaek Bouxcuengh noengznwd-nwd, daj singqcaet gwnzde ndaej faen baenz saecej gwnznmh caeuq saecej gwnzmbwn song cungj. Saecej gwnznmh gvihaej foux saecej faenzbaij, aeu gij yiengh-siengq manzgaengq lingzlaeuz dwg-nyaen haenx guh daegdiemj, youq gwnznmh biujyienj veq, coemj, doengq, yat, ringx roxnaeuz gijdoengh vadgei haenx daeuqnyex gyoengq-vunz, duzsaecej youz boux foux raek

miz mauhnggeq duzmaxlaeuz manz-gaengq caeuq goengbaed gyaecjloet naj riunyumnyum haenx boux gonq boux laeng dazyinx daeuqnyex, youq ndaw sing bauqreng caeuq sing gyonglaz boiqhab guh biujyienj; saecej gwnzmbwn gvihaej foux saecej foux baij, gij daegdiemj de dwg dawz gijdoengh dwkgienz, bajheiq, diuqfoux yungz haeuj ndaw foux saecej bae, bin hwnj gwnz daiz sang guh biujyienj, itbuen dwg youz boux canghfoux ndeu fwngz gaem aencaw saecej dazyinx, daeuqnyex saecej biujyienj gak cungj yiengh gijdoengh hawj vunz simcieg haenx, ndaej bin hwnj aen byagim aeu ngeih samcib aen daengqsang daeb baenz haenx baij yiengh akkaengh, roxnaeuz youq gwnz diuz caggang venj rag youq byonghmbwn haenx yatdiuq ringxroux lumj byaij gwnz diegbingz nei, roxnaeuz youq gwnz bakcax soemsat biujyienj dingj naengdungx baenqcieng daengj, simcieg yungyiemj raixcaix.

Foux saecej Bouxcuengh Denzyangz dangz gisuz biujyienj de youq gwnz goekdae swncienz caeuq hoengzyiengz dauqlah cienzoengj haenx, mboujduen bae vatgud, cingileix caeuq cauhmoq, doi ok le "saecej hwnj byagim" "saecej gvaq giuzmbwn" "saecej bin lae bakcax soemsat" "saecej caij dongh vamoiz" "yiengh mbwk saecej" daengj baenzdauq gwnzmbwn biujyienj hanghmoeg, gyoebbaenz le dauq gisuz ndeindiq cienhangh foux saecej ndeu, doengh bi neix daej byaij doh daengx guek gak dieg bae biujyienj, caemh bae Dwzgoz, Yeznanz daengj guekgya biujyienj gvaq, youq ndaw guek rog guek doxdax ndawde aeundaej haujai gij ciengj miznaj haenx, vih hoengzyiengz vwnzva cienzoengj Bouxcuengh caeuq hawj dijuvz vunz lai miz lai cungj lai yiengh guh ok gungyen gaenxmaenz de.